

かなさんどー

本調子

2/2

一、♪ 忘んなよーやー忘んなよー 我ね

思とんどーかなさんどー♪

他所見恥じかさ云語れ小

久場の下や待ち所

汝が云たる云言葉や

♪ 今も残とさ温々と

♪ はやし

(ゆすみはじかさいかたれぐわー

くばぬしちややまちどうくる

やーがいちやるいくとうばや

なまんぬくとーさ ぬくぬくとう)

三、男ー女にかかゆんど

女ー男ゆいどやる

他所の知ゆみ二人が仲

手取てい渡らなこの浮世

♪ はやし

(ういきがーういなぐにかかゆんど

ういなごーういきがぬゆいどうやる

ゆすぬしゆみたいがなか

ていとうていわたらなくぬうちゆ)

五、美らさる花や散りるとも

二人し咲かす花でもの

例え嵐の吹ちやても

かなさし行かや我た二人

♪ はやし

(ちゆらさるはなやちりるとうん

たいしさかするはなでむぬ

たとういあらしぬふちやていん

かなさしいかやーわったーたい)

二、親兄弟にん打ち明けてい

夫婦になゆる約束小

汝と我んとぬ語れ小

♪ 変わんなよーや何時迄ん

♪ はやし

(うやちよーでーにんうちあきてい

みーとうになゆるやくすぐわー

つやーとわんとうぬかたれーぐわー

かわんなよーやーいちまでいん)

四、おーやーていーやーする時ねー

にーたさ小んすなよーや

おーゆる仲どいかなさんでの

♪ 昔言葉んあんどーや

♪ はやし

(おーやーていーやーするとうちね

にーたさぐわーんすなよーやー

おーゆるなかどうかなさんでいぬ

んかしくとうばんあんどーやー)